



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Ruah a sur rin a ni.
Temp - Max: 25°C Min: 22°C
Dar 4:39-ah ni a chhuak ang a,
Tlai Dar 6:11-ah a tla leh ang.

Vol - VI Issue No. - 25

- Vawkhniakzawn Thla -

12th July, 2020 (Pathianni)

Tunkar chang vawn :

"Khawvêl êng in ni e. Tlângchhîpa
khaw awm chu thuhruk theih a ni
lo." Mat.5:14

TUALCHHUNG CHANCHIN

☛ Pu H. Lalmuanpuia, BEC member, chu radiation la zoin ni 9 July, 2020 (Ningani) zan khan Aizawl aţangin a rawn haw thla a. August ni 26-ah *chemotherapy* cycle 3 ti leh turin an chho leh dawn ni a hriat a ni. Inenkawlina tluang tak neia dam-na ţha tak nei turin duhsakna kan hlan e.

☛ Tv. Zochhuanpuia, Pi Zosangpuii tupa, Vanapa section chu *Pneumonia, Typhoid* leh *Leptospirosis* natna avangin Durtlang damdawi inah a awm mek a. A dinhmun a ţha hret hret zelin, BP sang leh thisen var pawh ziaawm chho zelin, a kal pawn hna thawk ţha ţan leh a. A thin ţha lo leh thisen put erawh a la zia lutuk loa, ventilator-a thawk tirin, mutna damdawiin an la chiu reng ni a hriat a ni. A ţhat chhoh zel beiseina a sang chho hret hret a, inenkawlina ţha tak neia dam ţha leh thuai turin duhsakna kan hlan e.

CEC meeting-in YMA Sports ţhulh pawm

CYMA Sports Sub Committee leh Disciplines hrang hrang hruaitu ten an lo rel tawh angin, kumin chhunga Sports neih tum - Cricket, Athletics, Volleyball te chu Covid-19-in kan ram a tihbuai vangin kumin atan chuan Sports neih loh ni mai se an tih chu CEC meeting, ni 10.7.2020 a neih chuan a pawmpui a. Cricket entry fee pe tawh ten receipt kengin, YMA office-ah office hun chhungin entry fee a lak let theih a ni.

Kan then tak

✠ Pi Vanthangi (Kum 73), Vanapa section, chuan ni 6 July, 2020 (Pathianni) zing dar 2 khan khan chatuan ram min pansan a. Hemi ni vêk chawhma dar 10-ah vui a ni.

A kalsan tak a nupui fanau, a laina zawnzawngte'n Pathian awmpuina leh thlamuanna an dawn kan duhsak tak zet a ni.

Kolasib Bawrhsapin Containment Area puang

Dated Khuangpuilam, the 21st June, 2020 (Pathianni) :

Eye Ward Building, District Hospital, Kolasib hi Dedicated Covid Health Centre a ni a. Covid-19 positive enkawl bikna atana ruahman a nih avangin, 'The Mizoram Epidemic Diseases (COVID-19) Regulation 2020' Clause 11 (1) leh 'Disaster Management Act 2005' in thuneihna min pek angin a hnuaia tarlan ang hian thupek ka chhuah e.

Eye Ward Building, District Hospital, Kolasib leh a chhehvel hi Containment Area-ah puan a ni a, phalna bik neilo tan tlawhpawh phal a ni lo. Containment Area hian CMO Quarter bul, Eye Building peng aţangin Eye Building leh a compound chin zawnzawng, a huam ang.

Containment Area bul hnai vantlang kawngah pawh a hnuaia ami ang hian mipui/vantlang tan kal phal a ni lo. Hei hian District Magistrate aţanga phalna nei leh Medical Duty-te a huam lovang.

- Taitesena Hall bul aţanga District Hospital (Damdawiin) pan chhohna kawng/step.
- Eye Ward Building aţanga Hospital panna kawng/step.
- CMO Quarter bul aţanga District Hospital pan chhohna step.
- Medical Staff Quarter lane aţanga Eye Ward Building panna kawng/step.
- Venglai - Banglakawn kawngpui, Baptist Biakin bul aţanga Hospital panna step-in CMO quarter panna kawng a pawhna aţanga Eye Ward Building peng inkar kawng pheih.

He thupek hi thu leh awm hma chu hman tur a ni.

CYMA-in Video clip siam intihsiakna lawmman sem

Zirtawpni khan Central YMA Hall-ah Zirna Uar Video Clip siam Intihsiakna Result puan a ni. Hetiang hi lawmman dawngtute an ni. Pakhatna - N. Vanlaiphai Rahsiveng Branch YMA, Rs. 5000/- & Citation, Pahnihna - Tumpui Branch YMA, Kolasib Rs. 3000/- & Citation, Pathumna - Ramhlun South Branch YMA Rs. 2000/- & Citation.

Result puanna programme-ah hian Tv. Lalhmachhuana, Vice President, CYMA chuan kaihruiin, President Vanlalruata'n thu sawiin Zirna uar kumpuana neih hmasa lamah pawh hei hian ram chhung ţhalai leh YMA member-te zingah thuk takin awmzia a lo nei tawh a ni a ti. Chairman pawhin CYMA kumpuan hian ţhalaite zingah Civil Service thlenga hmachhawn turin ţhalaite a cho a rin thu leh ramin hma a sawnpui ngei a beisei thu a sawi bawk.

He inkhawmah hian CYMA Kumpuan Sub. Comt. chairman in report pein Kumpuan Secretary in result a puang a, mi tam tak punkhawm a rem loh avangin CYMA hruaitu thenkhat leh programme atana pawimawh chin an kal a ni.

Kolasib Bawrhsapin PM SVANidhi hawng

Vawkhniakzawn thla ni 8, 2020 (Nilaini) chawhma khan Kolasib DC Conference Hall-ah khawlaia thil zuar, Street Vendor-te intundinna tur a sawrkar laipui Scheme 'PM Street Vendor's AtmaNirbhar Nidhi (PM SVANidhi)' chu kalpui ţan thei turin Bawrhsap Dr H Lalthlangliana'n a hawng a. Bawrhsap kaihhruainain DAY-NULM Task Force Committee on Self Employment Programme (SEP) ţhukhawmna neih nghal niin, khawpuia miharsa zawkte'n eizawwna ngelnghet an neih theih dan tur rel a ni.

Pu Gaston Vanlalhriatpuia, DUDO chuan PM SVANidhi chu loan ₹ 10,000/- thleng lak theihna, a pung

YMA chu ţanpui ngaite ţanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager: Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032

Vanapa Section

Leader : Pu Lalchualova
87300 99599
Secretary : Tv. Lallawmzuala
87875 41803

Khuangchera Section

Leader : Pu Lalramzaua
76408 95924
Secretary : Pu Zachungnunga Hrahse
76299 69989

Editorial.....?

Thuawih hi Damna

Mihring nunphung hi thil chi hrang hrangin a tihbuai thin, a chang phei chuan manganthlak khawpa a tihbuai chang a awm a. Khawvel piantirh ata nunphung pangngai tak karah buaina a awm chho zel a ni. Evi leh Adama ngei pawh kha nun nuam taka khawsa tura duan an nih laiin zar buaitu an neih avangin Pathian thuawihna tlachhamin hrehawmnaah an lut a nih kha!

Tun hripui leng mai ni lo, natna leh thildang dangah pawh hian thuawihna nun neih hi a pawimawh hle mai. Sawrkar thu palzut avangin Covid-19 ngei pawh mipuia darh mai hlauhawmin kan awm mek a, ram thenkhatah phei chuan ni khatah a sing telin an kai dawrh dawrh a, thil paw tak a ni. Thuawihin invenna tur kalphung an siam zawm nise hetiang em em a thleng lo thei a ni.

Tun hnaia a lan danin Kolasib district-ah TB vei mi 53 vel an awm a, damdawi ei that loh vanga la dam mai lo pawh an awm ni a hriat a ni. TB hi enkawl dam mai theih, harsatna lian thama ngaih a nih tawh loh rualin damdawi ei that duh loh avang mai maia dinhmun chhe zawk, enkawl pawh harsa tawh MDR-TB leh XDR-TB hial a thlen thei.

Sawrkar hmalakna sawisel a, a tha zawk hria niawm tak tak kan kat nuk a; mahse, a tuartu chu kan ni leh tho si. Kan khawsak phungah hian keini aia thiam zawk leh hre zawkte'n thiltih dan tur leh awm dan tur min hrihlte thuawih taka zawm mai hi a finthlak a, dam taka awmna pawh a ni. Mahni ngaihin i intifing suh ang u!

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Pu Lalnunhlua 9366270802	Financial Secretary Pu Rotlingpuia 9862385193

S.P. Kolasib Thuchhuah

Mipui him zawkna atan lirthei chet vel dan tur a hnuai ami ang hian ruahman a ni.

Bairabi Kawngpui atanga PHED Pump House, Kolasib approach road, Tuichhuahen inkar hi ni 06.07.2020 atanga ni 24.7.2020 chhung kawng siam that hna PHED, Kolasib WATSAN Division ten an thawk dawn a. Tha zawk leh chak taka hna thawh a nih theih nan hemi ni i.e 06.07.2020 (Thawhtanni) atanga dt 24.7.2020 (Zirtawpni) thleng thu leh awm hma chu helai kawng hi khar a ni ang a, lirthei eng chi mah kal phal a ni lo ang.

He thupek zawm lo chu 177 MV Act hmanga hrem an ni ang. He thupek hian tul bik thila Police, Fire Department, Ambulance leh Magistrate-te chet velna a huam lo ang.

(Phek 1-na chhunzawmna)

tlem thei ang ber, Street Vendor-te chawikanna tur a siam a nih thu leh khawpuia cheng mi harsate tan SEP kaltlanga Individual Loan Rs 2,00,000/- thleng lak theih a nih thu te, Group Enterprise leh SHG-Bank Linkage anga loan dil theih dan te sawiin, loan pung tlem thei ang ber sawrkar puihna tela pek tum a nih thu a sawi.

Hrechiang duh tan DUDO Office, UD&PA Department, Kolasibah zawhfiah theih a ni ang.

(Column lehlam a mi zawmna)

chu Prof. Lalnuntluanga, Gen. Secretary; Pu Fabian Lalfakawma, Treasurer; Pu Lalthazuala Rethlei, CEC ten a Pisa-ah an hmu a. CYMA-in Disaster bungrua changtlung zawk a neih theih nana hma lakpui turin an ngen.

10.7.2020 : Zirna Uar Video Clip Intihsiakna result puan programme hman a ni a. Hetiang hi lawmman dawngtute an ni.

- 1st Prize, ₹ 5000/- & Citation -
N. Vanlaiphai Rahsiveng Branch YMA.
2nd Prize, ₹ 3000/- & Citation -
Tumpui Branch YMA, Kolasib .
3rd Prize, ₹ 2000/- & Citation -
Ramhlun South Branch YMA.

CYMA hmalakna

23.6.2020 : 'Meeting On Compensation of victims under the Mizoram victims of Crime Compensation Scheme (Amendment) 2016,' District & Session Judge Pisa-ah neih a ni a, Tv. Lalmachhuana, Vice President a tel.

25.6.2020 : Chief Minister Office-ah 'Committee on Utilization of CM's Relief Fund for Covid-19' meeting neih a ni a, Pu Vanlalruata, President a tel.

29.6.2020 : 'District Task Force on Malaria Aizawl District' meeting DC Conference Hall-ah neih a ni a. Pu F. Lalfamawma, CEC a tel.

1.7.2020 : Chief Secretary Conferece Hall-ah 'Committee on Utilization on CM's Relief Fund for Covid-19' neih a ni a, Pu Vanlalruata, President a tel.

6.7.2020 : Institution of Bio-resource and Sustainable Development (IBSD), Deptt. of Biotechnology, Govt. of India ten Mask leh Glove 100 ve ve Central YMA Office-ah an rawn hlan.

7.7.2020 : PCCF Conference Hall-ah 'Executive Committee on SFDA for Green India Mission' meeting neih a ni a; Pu Vanlalruata, President a tel.

- Covid 19 hrileng vanga ramri duty te tanpui nan Zuangtui Branch MHIP ten CYMA-ah ₹ 10,000/- an rawn hlan.

- Synod Committee Room No. 1-ah MPF Governing Board meeting neih a ni a. Pu Vanlalruata, President; Dr. Malsawmliana, Asst. Seretary leh Pu Roneihthanga, Fin. Secretary te an tel.

- Covid 19 hrileng vanga ramri duty te tanpui nan Republic Vengthlang LLTF ten CYMA-ah Rs. 50,000/- an rawh hlan a. Pu Vanlalruata, President; Dr. Malsawmliana, Asst. Secretary; Pu Roneihthanga, Fin. Secretary leh Pu K. DARTHANTLUANGA, CEC ten an lo dawngsawng.

8.7.2020 : Commissioner, H&FW Deptt. Pisa-ah 'State Task Force & Committee on Malaria Elimination (Aizawl District)' meeting neih a ni a; Dr. Malsawmliana, Asst. Secretary a tel.

9.7.2020 : Chief Secretary Conference Room-ah Covid-19 vanga Internation leh Inter-State ramri hrula venhim hna thawh dan kalpui zel dan tur chung-chang meeting neih a ni a. Central YMA OB-te an tel. Meeting zawh hian Education Minister an kawm nghal.

- Director, DM & R Deptt. ➡

Thuawihna hi lawmman tha ber leh damdawi rintlak tak a ni.

Thu ziak Huang

LIRNGHING HMACHHAWN TURIN F.O.S (Factor of Safety) NEIH TAM A PAWIMAWH

Ruata sailo

Lirngching lak a himna a tan chuan Factor of Safety (FOS) hi a pawimawh ber zing a mi a ni ang. Chu FOS chu eng nge ni tih ka Engineer pui Pu Laltlankima Hnamler hian Technical tak si, mi naran (layman) te hriat thiam theih turin a rawn sawi fiah a, lo thlir ve teh. Setana thlemna do thei turin FOS kan mamawh ang bawkin, kan in leh lo sak dan ah pawh hian FOS kan mamawh dan i hrethiam thei a dawnsawn tur ngaihtuah lawkin ruahmanna a

A ni hi, kei ni Engineer te zing a Missionary lam a sul lo su hmasa ber pawl a mi a ni ngei ang. Kei pheii chuan mitthi tho leh hun tlemte kan Engineer-te zing a thuchah pawimawh rawn sawi leh mek ah ka ngai hmiah mai. Ka Mizo Engineer pui fam ta te pawhin, chunglam atangin an lo thlir reng in kan mit thla tlat pek chu... a chan chin tlangpui pawh Fb ah ka lo post tawh a he link ah hian a awm e. <https://www.facebook.com/ruata.sailo/posts/2850492104988838>

Tun lai a, Tuipui ral chhehvel a lir lo ngingh deuh chhen hian, heng lai vel a cheng te mai bak ah Mizoram pumpui min ti buai ti tih a. Eng teh chiam tih theih awm lo mahsela, a hmun ah kan han kal ve a, report pawh ka thiam ang tawh chuan ka pe ve tawh nghe nghe a ni. Henglai hmun hma hi, Mizoram ah chuan lirngching lak a FOS nei thatna hmunlai ber pawh a ni nghe nghe in ka hria (A ram leh khawhmun vel hi, hmun rualrem tak deuh hlir an nih vang hian). Mahse concrete in sak ho te chu Mizoram hmun dang ang bawh a FOS nei tha lem lo te an nih ve tho hmel in a lang. Lirngching hi pumpelh theih a ni lova, tlanchhiatsan theih pawh a ni lo, lendun pui thiam a ngai zawk a ni.

Thingtlang ah pawh concrete in nei kan tam ve hle tawh a, lirngching tenau lak ah tal chuan him tawh tur a sak lam ah erawh awareness, khawpui zawk ah pawh kan nei tlem hlawm hle a ni. Henglai vel ah pawh hian, Lirngchingin a tih chhiat tam ber chu, bang khi a ni berin ka hria, ban, beam leh slab khi te pawh awm ve nual mahse an hlauhawm dan a ziaawm zawkin a lang. Kan insak a thir kan hmanna chhan ber hi chu, a khi vengtu tur (tensile force) lo do tur a dah ngai an ni. Chuti chuan bang a lo khikna chhan ber chu thir a awm ve loh vang a ni ve thei tho a nih chu. Engtinnghe lirngching lak a him zawk turin, bang chu kan pin ang, tih te mai chauh hi he Pathian thu, Engineer tak a sermon ngaihtlak / en hma in, lo sawifiah ve reng reng ila.

A hmasa in liang sangah chuan bang himna a derthawng hma bik a, ban leh beam nen a, an in zawmna laiah a khi duh. Bang atan brick kan hmang anih chuan, tha tak a incharzawm tur a ni, a chhawng zawnga kan rem chuan a inzawm / char tha vak thei lo, a pheik zawnga kan rem chuan a in zawm / char nghet a, brick hmai a thil ziak eg. 'SAMRAT' tih awm te kha brick dang nena mortar hmang a zawm / char nghehna a tan tangkai tak a ni. Brick rem kar a rod / thir dah anih chuan bang khi tur kha aveng ve thei a, brick rem pali emaw panga kar dan a dah theih chuan bang khi chat tur a lo veng ve thei a ni.

Engineer ten an design-ah an hmanrua tur (materials) kha a hmanna tura force hrang hrang

siam a, chu chu design load an ti a. Mahse fimkhur thu hla-ah he design load aia tam do thei tur hian ruahmanna, thuam belhna an siam thin a, chu chu Factor of Safety (FOS) chu a ni a. (FOS = Max. load / Design load). Pathian hian SOF hi eng ang chiah in nge min lo siam sak a, Lal Isua Kraws kha Safety Factor (infinity) a lo nih dan hrethiam turin leh Lal Isua tel lo chuan engmah kan nilo a ni tih lo zir la, Lal Isua nen chuan Covid-19 ani emaw, Lirngching a ni emaw pawh nise, ka him a ni tih ilo hriat chian leh zual theih nan, he sermon hi ngun takin lo zir ve teh.

KOLASIB DISTRICT MAGISTRATE CHUAN EYE WARD BUILDING, DISTRICT HOSPITAL, KOLASIB CHU CONTAINMENT AREA-AH A PUANG

Eye Ward Building, District Hospital, Kolasib hi Dedicated Covid Health Centre a ni a. Covid-19 positive enkawl bikna atana ruahman a nih avangin, "The Mizoram Epidemic Diseases (COVID-19) Regulation 2020" Clause 11 (1) leh "Disaster Management Act 2005" in thuneihna min pek angin a hnuai a tarlan ang hian thupek ka chhuah e.

Eye Ward Building, District Hospital, Kolasib leh a chhehvel hi Containment Area-ah puan a ni a, phalna bik neilo tan tlawhpawh phal a ni lo.

Containment Area hian CMO Quarter bul, Eye Building peng atangin Eye Building leh a compound chin zawng, a huam ang.

Containment Area bul hnai vantlang kawngah pawh a hnuai ami ang hian mipui / vantlang tan kal phal ani lo, hei hian District Magistrate atanga phalna nei leh Medical Duty-te a huam loving.

a) Taitesena Hall bul atanga District Hospital (Damdawiin) pan chhohna kawng / step.

b) Eye Ward Building atanga Hospital panna kawng / step.

c) CMO Quarter bul atanga District Hospital pan chhohna step.

d) Medical Staff Quarter lane atanga Eye Ward Building panna kawng / step.

e) Venglai - Banglakawn kawngpui, Baptist Biakin bul atanga Hospital panna step in CMO quarter panna kawng a pawhna atanga Eye Ward Building peng inkar kawng pheii.

He thupek hi thu leh awm hma chu hman tur a ni.

Kan nungchang hian kan damchhung ropuina leh hlutna a keng.

CHANCHINTHAR

MOTOR TLAN KHAPNA ORDER CHHUAH

Ni 9July, 2020(Ningani) aţang khan Pu Vanlalfaka Ralte, Kolasib SP chuan thuchhuah siamin, kawng pahnih siamthat hna thawh a nih dawn vangin lirthei tlan khapna order a chhuah.

SP thuchhuak chuan PWD ten July thla chhung hian Bilkhawthlir leh N. Chawnpui inkar kawng siamthat hna an thawk dawn a, PHED Kolasib WATSAN Division-te pawhin Tuichhuahen pump house panna kawng, Bairabi road aţanga peng chu July 7-24 chhung hian an siamtha baw ang.

Hei vang hian SP chuan heng kawng siam tumna hmunahte hian tha zawk leh chak zawka hna thawh a nih theihnan a chung a sawi hunchhungah thu leh awm hma chu lirthei tlan a khap a, thupek zawm lo te chu 177 MV Act hmanga hrem an nih tur thu a tarlang baw.

DAN PANGNGAIIN KAL

Kolasib District Hospital tlawh theihloh tia DMS thuchhuak chungchang chu nimin khan District thuneituten an sawi ho a, mipuite tan harsatna a thlen vangin Covid vei enkawl mekna Eye building lam chauh chu tlawh pawh theih loh turin Containment Zone-ah puan a ni a, hospital aţanga eye building panna pawh pin a ni. Helaiah hian police pawh duty tir nghal an ni a, hospital leh OPD lam chu dan pangngaiin a kal chhunzawm leh ang.

2020 YMA SPORTS THULH

Central YMA Sports Sub Committee leh Disciplines hrang hrang hruaitu ten an lo rel tawh ang in, Kumin chhunga Inter Branch YMA Sports neih tum, Cricket, Athletics, Volleyball te chu COVID-19 in kan ram a tihbuai vangin kumin atan chuan Sports neih loh ni mai se an tih chu, CEC meeting 10.7.2020 a neih chuan a pawm pui a.

KHUAHKHIRHNA HLIP :

Ni 10th July 2020-a mizoram sawrkar thuchhuak chuan July 8 aţang khan Mizoram chhunga nitin mamawh thil ni lo bungraw chidang phur lirthei rawn luh leh veivah chungchanga khuahkhirhna te a hlip a. Hetih rual hian bungraw dang zawng zawngte pawh phurhluluh remtih vek a ni a. Home Department hnenah dilna lak hmasak a ngai tawh lo a ni. Mahse, mCOVID-19 app leh website: m.covid19.mizoram.gov.in a mPASS Registration erawh tih ngei ngei tur a ni chhunzawm a. Entry point-ah te Self Declaration theihluh chhunzawm zel tur a ni baw a ni.

KHAW HMING THLAK :

Mizoram sawrkar chuan Vervek Damdiai khua, Darlawn Block, Aizawl District chu hming thar vuah a ni a, tuna ţang chuan East Damdiai tih a ni tawh zawk dawn a ni.

atana ruat a ni.

ONE NATION, ONE RATION CARD KALPUIMEK :

Central Sawrkar in One Nation One Ration Card (National Portability) a kalpui mekah Mizoram-ah pawh hman ve tan nghal tur a chak taka hmalak mek a ni.

National Portability kalpui mek hnuaiah hian Mizoram chhung a NFSA beneficiaries te - AAY leh PHH te hi India ram puma Portability hman thei tur an nih avangin ngaihpawimawh hmasak an ni ang.

MASK VUAH LA MALSAWMNA NI RAWH

Mithiamte sawi danin Covid 19 vei damloin mask a vuah loh chuana veilo midangah mask vuah reng chung pawhin natna a kaichhawn theihna hi 70% lai a ni a. Mask a vuah erawh chuan midang mask vuahloah pawh a kaichhawn theihna hi 5% chauh a ni. A natna veiin mask a vuah a, a vei loin mask a lo vuah ve baw chuan natna inkaichhawn theihna hi 1.5% ah a tlahniam thei an ti.

Hetiang a nih avang hian he hrileng laka himna tur chuan mask vuah hi kan tih makmawh a ni. Mask i vuah hian za ah zain i him phahlo a ni maithei, amaherawh chu midang i kaichhawn zelna tur erawh nasa takin a veng thei a ni. Chuvangin tun hun hi midangte tana malsawmna i nih theihna hun tha leh remchang tak a ni e.

Midangte tan malsawmna i nih theih nan Mask hi lo vuah ve thin ang che.

NEXTCOMM ISP

Nextcomm Internet Service Provider-te chuan Internet chak tha, hman zawh ve theih loh chu Khuangpuilam veng chhung a hman theih turin FTTH(Fiber to the home) in a rawn lut ta. FTTH hi khawchhia, khawdur leh boruak inthlak avangin a muang ve lo a, Wifi, Smart Phone, Laptop, Desktop Computer leh Tv ah-te a hman theih.

Hrechiang duh chuan a hnuaia a contact No. ah hian zawh chian theih reng a ni e.

(4-1) **Contact 9774746112/8974201386**

INLUAH TUR



Aizawl - Hualngo hmun, Samtlang khaw kawngah In, nupa rek/unau a luah theih, a duh tan vawk pahnih vel vulh leh chuktuah huan zau vak lo siam theihna luah tur a awm e. Ruihtheih thil ti lo ni se, luah man chu a neitu nena in biak rem dan ani ang.

(4-4) **Contact 9436152474/9092532713**

CEMENT THA LEH RINTLAK

*Max cement company direct bagah
Rs.530/- Bag 50 chinah discount a awm
baw e. Bag 5 lei chinah Home Delivery
kan tihsak thei e.*

**RENGSIAGENCY
KUMTLUANGRUNBUL
VENGTHAR, KOLASIN**

(4-4) **Ph: 7005167722/8794232952**